

# جريدك حاكمك

جمعه ايرتسى

نومرو	محررم	سنه	تشرین اول	سنه	صفیہ
۳۶۲	۱۷	۱۳۰۴	۴	۱۳۰۲	۳۷۱۱

\* اشبو غزته بهر هفته جمعه ايرتسى كونلرى چيقار سنه لكى در سعادت ايچون مجيديه  
 \* يكرمى غروش حسابيله التمش غروشدر طشره لر ايچون اون بش غروش پومسته اجرتى ضم اولنور بهر  
 \* نسخه سى ينه مجيديه يكرمى غروش اولمق اوزره يوزپاره به هر يره صاتيلور درج اولنه جق اعلاناڭ  
 \* هر برندن بر مجيديه اخذ اولنور سنه لکنه مشترى اولمق استيانلر عدليه نظارتى دائره سنده کاشن  
 \* جريده محاکم اداره سنه مراجعت ايتليلدر

اولنور شو قدر که اوکي احوالده نظامى موجبنجه  
 النده جق کفالت سندی محکمه اجرا دائره سى  
 ويا خود مقاولات محرر لکي طرفندن مصدق اولمى  
 شرطدر

فی ۱۰ ذی الحجه سنه ۳۰۳ و فی ۲۸ اغستوس ۳۰۲

-----

دعوى وکالتنک رخصت رسميه استحصال ايتمش اولنوره  
 منحصر طوتلسى حقننده کي قرارک جرياننده عدم  
 استقامت و مجله احکامنده ده مغايرت کورنديکي  
 جهته امور جزائيه دن ماعداد داويده انحصار  
 جار ينک الغاسى حقننده شوراي دولتدن تنظيم  
 و مجلس مخصوص وکلاده تدبيل اولنان مضبطه

## قصر سهرى

(اعلامات حقوقيه نك صورت تنفيذينه دائر)  
 (اولان قانونك اللجى ماده سنه ذيل اولمق اوزره)  
 (شوراي دولتدن قلمه النوب مرعيت احکامنه)  
 (بالاستيدان اراده سنیه جناب پادشاهى متعلق)  
 (وشرف صدور بيورلمش اولان ققره قانونيه)  
 (صورتيدر)

كرك يكرمى سكرنجى ماده ده بيان اولنان اسبابدن  
 وكرك دايك رضاسيله مديونك امهال اولنمى  
 طولايى دين محكوم بهك اداسنه كفيل اولان  
 كيسه حلول وعده ده مكفول بهى ايضا ايتديكى  
 حالده حقننده اشبو موادك احكامى تماميله اجرا

وجهله اقتضاسنك انفساسی خصوصسنه  
فی ۲۰ ذی الحجه سنه ۳۰۳ و فی ۷ ایلول سنه ۳۰۲  
تاریخنده اراده سنیه جناب پادشاهی شرفعلق  
بیورلشدر



۲۶ ذی الحجه سنه ۳۰۳ و فی ۱۳ ایلول سنه ۳۰۲  
تاریخنده بالعموم ولایات استیناف مدعی  
عمومیلکاریلله ایجاب ایدن مدعی عمومی معارنلکارینه  
یازیلان محررات علیه در

بلغارستان وروم ایلی شرفیده بولنان نفوس  
مسئله نك هجرتلرینك تسهیلی ایله برابر صورت  
توطین واسکانلرینه و تفرصاته دائر شرفصادر  
اولان اراده سنیه حضرت پادشاهی منطوق  
منیفجه ریاست منجمه جناب شهریاریده تشکیل  
بیوریلان قومسیون عالی به مودوع اوراق میاننده  
وارد خاطر الهام مظاهر عالی اولان موادی  
حاوی لایحه نك اوچنجی ماده سی احکامجه  
مأمورین و مستخدمین عدلیه دن معاشی یوز  
ویوزدن یوقاری بولنانلرک آیلقلرندن یوز ایله  
الی اره سننده اولان کسوره اعتبار اولنماق  
شرطیله یعنی الی غروشه قدر اولان کسورک  
الی و بوندن زیاده سنك دخی یوز غروش اعتبار  
اولنق اوزره بردفعه به مخصوص اوله رق یوزده  
ایکی توقیفی ایله اداره به خلل کتورلماک شرطیله  
تخصیصاتدن دخی نهایت یوزده ایکی رادلرنده  
نقدر تصرف ایدیه بیور ایسه انکله برابر  
قومسیون عالی به تقدیمی بوکره داخلیه نظارت

جلیله سنندن باتد ککره اشعار وازبر اولنمش  
واولوجهله اقتضای حالت اجراسیله کرک  
مأمورین معاشاتندن وکرک محررلر مائدتندن  
توقیف اولنه جق ایچدنک نظارت رزنه سنه  
ارسالی خصوصنك جانب دفتر داری به اشعاری  
مالیه نظارت جلیله سننده تبلیغ قلمش اولغسله  
بیان حاله و مصارفات مرتباتندن توقیف اولنه جق  
یوزده ایکیدن ماعداسیله دخی ادار به خلل  
کتورلماک شرطیله تسویه مصلحتنه بذل همت  
اولنسنك لازم کئلره اخطار وازبارینه ابتدار  
اولندی




۲ محرم سنه ۳۰۴ و ۱۸ ایلول سنه ۳۰۲ تاریخنده  
در سعادت وولایات مدعی عمومیلکارینه یازیلان  
محررات علیه در

زوجیت و صغار و نفقه دعوالرندن نکاح و نفقه به  
متعلق تگون ایدن دعاویده محکوم علیه نك مجله نك  
بیک سکز یوز او تونز التنجی ماده سی موجبجه حق  
مدافعه و اعتراضی باقی قالمق اوزره حکم غیابی  
قابل اولدیغی کی زوجه طرفندن ادا اولنسان  
طلاق الفاظ طلاق صریح باین قسیمندن اولدیغی  
صورتده دخی غیاب اجراسی ممکن اوله رق فقط  
زوجه نك زوجندن صدورینی ادا ایتدیکی طلاق  
طلاق رجعی اولدیغی حالده مراجعت ایدوب ایتدیکی  
زوجندن سؤال اولنقسزین ویا خود طلاق الفاظ

طلاق کنایات نوعندن بولندیغی صورتده  
زوجت ثبت و قصدینه مراجعت ایدلکسزین  
ادما قلنان طلاق وقوع ویا عدم وقوعی حقنده  
غیاباً بر حکم ویرلمک قابل اوله میه جغی و دعوی  
مذکوره فصل و حسم اولنقسزین بیلرلنده معامله  
زوجیتک دوام و بقاسی دخی اویه میه جغی جهتله  
ذکر اولنان دعوانک فصل و رؤیتی ایچون مدعی  
علیهک و بعضاً دخی حضانه دعوالرنده معاینه سی  
ایچون صغیرک بالذات جلب واحضاری لازم  
کله جکندن و عدلیه جلب مأمورلرینك نظاماً  
مکف اولدقلری وظائف مدعی علیهک عدم  
اجابتی حالنده بالاجبار احضاره غیر مساعد  
ایدو کندن بو مثللو دعاویده محاکم شرعیه دن  
یازیلان مقتضا اوزرینه مدعی علیهک کافی السابق  
پولیس معرفتیه جلب واحضاری و مدعی علیه  
مأموریندن بولندیغی حالده اول امرده بالذات  
محکمه یه ارسالی حقنده آمرینه مراجعت اولنسی  
استانبول قاضیلغندن اعطا ایدیلان مذکره اوزرینه  
مجله جمعیتندن افاده قلندیغندن بحثله اجرای ایجابی  
حقنده طرف والای حضرت مشیختیناهیدن وارد  
اولان تذکره نك کوندردلیکی بیان عالیسیله  
اقتضاسنك اجراسی مقام سامی حضرت  
صدارتیناهیدن شرفوارد اولان تذکره سامیه ده  
امر و اشعار بیورلش و دائرة مأموریتک زده کی  
محاکمه تبلیغ اولنق اوزره اشبو تحریراتک نسخ  
مطبوعه کافیه سی لفا ارسال قلمش اولغسله

بروجه محرر اقتضاسنك اجراسی سیاقنده شقه



غره محرم سنه ۳۰۴ و فی ۱۸ ایلول سنه ۳۰۲  
تاریخنده در سعادت وولایات مدعی عمومیلکارینه  
یازیلان محررات عمومی در

مأمورینه کفالت ایدن اشخاصک ثروتلری  
بجالس اداره طرفندن تحقیق و تصدیق اولندیغی کی  
مقاولات محررلری جانندن دخی بونلرک ثروت  
واقتدارلرینك تحقیق و تصدیق لازم کله جکنی  
نزدکرده بولنان محاکمه تبلیغ اولنق اوزره اشبو  
تحریراتک نسخ مطبوعه سی لفا ارسال قلندیغی  
بیانیه شقه



( شورای دولت نظامنامه داخلینك اوچنجی  
ماده سی مقامنه قائم اولنق اوزره قلمه النوب مرعیت  
احکامنه بالاستیذان اراده سنیه جناب پادشاهی  
متعلق و شرفصدور بیورلش اولان ماده نظامیه  
صورتیدر

اوچنجی ماده — محاکمات دائره سنك وظائفی  
اولاً مأمورینك وظائف مأموریتلرینه متعلق  
احوالدن طولایی شورای دولته حواله اولنان  
محاکماتلرینك جزا محکمه سی صفتیه بدایه

اجراسی ثانیاً ولایت ولوا اداره مجلسرئنده بدایه  
واسستینافاً رؤیت اولنوب مأمورین محاکمسی  
نظامنه ذیلاً علاوه ایدیلان فقره احکامنجہ  
استیناف ویاتیمیزی شورای دولته عائد اولان  
محاکماتک رؤیت وتدقیقی ثالثاً مأمورین محاکمسنه  
متعلق خصوصیاتدن طولابی دوائر اداره اراسنده  
تکون ایدن اختلافاتک حل وفصلی ماده لرندن  
عبارتدر

محاکم عادیه ایله محاکم اداره ارسننده مرجع  
دعوی حقننده ظهور ایده جک اختلافات شورای  
دولت ریاستنک تحت ریاستنده اولمق اوزره  
اوچی شورای دولت واوچی محکمه تمیزدن  
تعیین اولنه جق التی اعضادن مرکب تشکل ایده جک  
انجمنده تدقیق اولنور بو انجمنک قرارلری مقام  
اجرائک تصدیقنه معلقدر

فی ۲۰ ذی الحجہ سنه ۳۰۳ و فی ۷ ایلول سنه ۳۰۲

اجرا قانون موقنتک الی اوچنجی ماده سنه علاوه  
قلنه جق فقره قانونیه صورتیدر

مدیون موظفک ربع معاشی دیون ثابتہ سی ایچون  
قطع اولمش ایسه اولاد و عیالتک اداره سی  
ایچون مرجع لنبجہ تعیین وتقدير اولنان نفقه دیگر

اوچ ربع معاشندن استحصال اولنه بیلور  
فی ۵ ذی القعدہ سنه ۳۰۳ و ۲۴ تموز سنه ۳۰۲

### قسم غیر رسمی

دعوی وکیللری

دعوی وکالتنک رخصت رسمیه استحصال ایتمش  
اولنلره منحصر طوتلمسی حقننده کی قرارک  
امور جزائیہ دن ماعدا دعاویده الغا اولندیقہ دائر  
بوکو نکلی جریدہ مزک قسم رسمیسده نشر  
واعلان ایتدیگمز احکام فوق العاده حائر اهمیت  
وشایان دقتدر . بناء علی ذلك نه مقصد وامله  
مبنی دولتجه صفت وکالتک بوندن اقدام تحت  
انحصاره الندیغنک و بوکره نه اسباب و حکمتہ بناء  
انحصار واقعک لغو ورفعه ایتدار اولندیغنک  
شوصره ده تحری وایضاحی فائده دن حالی اولمز  
ظن واعتقادنده یز .

مصلحتجه عدم استقامت ومجله احکامنه مغایرت  
مذکور انحصارک برطرف ایدلسنه اسباب موجبہ  
اتخاذ قلمشدر . محاکم نظامیه نک تأسیس  
وتشکیلنک ایجاب ایتدیردیکی تدابیردن بریده  
صفت وکالتک بالفعل اثبات اقتدار واهلیت ایدنلره  
وحسن اخلاق اصحابندن اولره تدبیرنی تأمین  
ایتمک مقصدیه دعوی وکالتی نظامنامه سنک  
ترتیب ونشرندن عبارت بولمش ایدی . معلوم

اولدیغی وجهله محاکم شرعیہ نک مکلف بولندیغی  
اصول محاکمہ غایت ساده اولدیغی وحکام  
شرعیہ توزیع عدالت واحقاق حق قضیه سنده طرفین  
معارضینده ایجابات شرعیہ بی تفهیم واطظار  
ایله بر وجهیه قدرارانه طریق ایتکدن ممنوع بولمقدلری  
اجلدن دعاوی شرعیہ ده وکیل واسطه سنه  
مراجعت اولمسنه لزوم صحیح حس اولنر ایدی  
بالعکس طرفینک بالذات ادعا ومدافعہ لرینی  
درمیان ایللری تسهیل مصلحت نقطه نظرندن  
مرجع عد اولنور وحتى وکالتده کزنلر (مزور)  
(کاغد قفافی) کبی الفاظ تحقیریه ایله یاد  
وتسمیه اولنورل ایدی . قوانین جدیدہ نک پیدرینی  
نشری ومحاکم نظامیه جہ حکمی جاری اولان  
اصول محاکمہ نک شرائط متنوعه ومتعدده ایله  
مقید بولمسی احوال موجوده بی کلیاً تبدیل وتغییر  
ایدوب صفت وکالتک کسب اهمیت ایلسنی  
وسنک وکالتک تأسیسنی انتاج ایلش ایدی .

احکام شرعیہ بردر یای عظیم اولوب انده هر نوع  
قضیه یه قابل تطبیق احکام قطیعه وصریحیه یه  
تصادف اولنه کلدیکندن ایضاح وتفسیره  
متحمل اولدیغی حالده قوانین ونظامات جدیدہ .  
نک بالطبع محدود ویا لکز قواعد اساسیه  
وعومیہ بی شامل بولمسندن ناشی معلومات واقعه لر  
یله مواد قانونیه نک معنای حقیقیه سنی شرح  
وایضاحه مقتدر قانون شناسانک معاونتنه مراجعت  
مجبوری وشو حالده برطرفدن محاکم نظامیه نک  
حسن ایفای وظیفه ایلسنی تسهیل ودیگر طرفدن

اصحاب دعاوی نک برطاقم مجهول الاحوال  
اشخاصک حیل ودسایسنه فدا اولماسی ومنافع  
مشروعہ لرینک محافظه سی کیفیاتی دولتجه  
بالتأمل سلک وکالتک اوروپاده جاری اولان  
اصوله توفیقاً احداث وتشکیلنی بادی اولدی .  
فی الواقعده دعوی وکیللرنک اوروپاجه عدالتہ  
وقوعبولان و بولمقدہ اولان خدمتلی پک بیوک  
وشایان تقدیردر . اصول وکالت رومالیردن  
اوروپانک دول موجوده سنه انتقال ایدوب  
اهمیت عظیمه بی حائر بولمش صفت وکالت  
صنعتلرک ال عالیسی عد اولمشدر . دعوی  
وکیللری حضور محاکمه تبعه نک ناموس و حیات  
وحریت وثروتنی محافظه یه مأموردر مشاہیر  
حکمدان حائر یون دی پائسه نک قولنجہ اشخاص  
سائرہ نک تابع بولندیغی مواعدن بری وهم حامی یه  
محتاج اولیسه جق درجده ده عالیجناب وهمدہ  
محمی ایدنیمہ جک درجده ده محجوب ونه بنده سی  
ونه افندیسی اووب خلقتک بخش ایلدیکی جناب  
اصلی یه مالک برآدم عد اولنور ایدی اکر بویله  
برآدمک وجودی هنوز فرض اولمشق ممکن  
اولسه ایدی . هر تقدیر شوتعرف مبالغه دن  
سالم دکلسه ده سوء استعمال و حیلہ و خدعه  
ودسیسه وار تکاب وجهالتی صفت وکالتله توفیق  
ایتمک متصور دکلدر . دعوی وکیلنک مکلف  
اولدیغی وظیفه معنویاتک الیوکسک مرتبه سیدر .  
ادعا ومدافعہ بی قانونک دائره سیله تحدید ایتک  
وهر بر حال وحرکاتنی عدالت ومشروعیتہ توجه  
ایتدیرمک ومحاکمک حیثیت وناموسنک محافظی

اولمق و هر خصوصه حسن اخلاق اصحابندن  
بولمق والحاصل هر نوع تدقیقات و تحقیقات  
و ایضاحات و تفسیراتی عدالت حقیقیه بشریه نك  
تخریسه حصر ایتك صفت و كالتك مقتضیات  
اساسندن بولدیغی جای بحث اوله مز .

ایشته دعوی و کالتی سلکینك تأسیس و تشکیلندن  
مقصد و دعوی وکیلرندن منتظر اولان اوصاف  
بووجهله خلاصه ایدلك لازمکور ظن ایدرز .  
عجبا سلک مذکور داخل اولان وکیلر نه وجهله  
بومقصدی تقدیر ونه صورتله اكا توفیق حرکت  
ایدیلر ؟ بونقطه بی دخی مختصراً تدقیق ایدلم .

مأذونیت لازمه بی حامل دعوی وکیلاری میاننده  
اوصاف چیله مشروحه بی حائز شایان اعتماد  
ذوات معتبره نك وجود بی تسلیم ایتكله برابر  
اکثریسنك كرك محاکمه قارشو و كرك مشتری  
و مؤکلرینه قارشو اولان وظایف اصلیه  
محترم لری ایضا ایتد کربنی کمال تأسفله بیانه  
مجبورز . عدایه نظارت جلیله سی حقوق  
مکتبی تأسس ایدوب طلبه ینشدیرنجیه قدر  
دعوی و کالتی انحصار بی و قوف مکمله قانونیه  
اصحابندن بش اون ذوات منفعته اوله رق بر امتیازه  
تحویل ایتماک قصدیه شهادتنامه اعطاسنده  
مساعده کارانه حرکتده بولمشدر . بوضورتله  
نائل مأذونیت اولان وکیلر نك اکثریسی اجمال  
معلومات قانونیه طرفنه میل ایدرک حقلرنده ابراز  
اولنان امنیت و اعتماد شایسته اولدقربی بالفعل

اثبات ایده چك یرده اسسکی کاغد قووافر نك  
مسئلکنی ترجیح ایدیلر . تأثیرات نامشروعیه  
مراجعت بجز قانونی بی ستره مدار ایلدی .  
برچوق دعوی وکیلر نك موکلر بی اغفال  
ایدرک صرفیات غیر مشروعه به تخصیص اولمق  
اوزره اجر ترلندن فضله مبالغ کلیه اخذ  
و بوضورتله حکامک ناموس و حیثیتی چوق کره  
بغیر حق اخلال و بوباده مأمورین عدلیه نك  
حال ضرورت و مضایقه سنی کندولر نه آلات  
انخاذا ایلد کلمری و بردعوی ملت مدیده  
سورنجمه به دوچار ایتك کی شرائط اساسیه  
و کالتک خلافتده تعهدات درعهده ایدرک محاکمی  
فضولی اشغال و اصحاب حقوقی اضرار ایده  
گلدکاری و برطاقم واهی و عدلر ایله دعوار  
درعهده و اجر ترلندن پیشیناً اعطاسی مشروط  
اولان قسمی اخذ و قبض ایتد کدنصکره ایفای  
وظیفهده تکامل ایتکه باشلدقلمری و بوکا مماثل  
دها برچوق حالات ثقیله لری هر طرفندن  
ایشلدکله باشلادی . دعوی وکیلرندن بعضیلر نك  
احوال ذاتیه سنه کلنجه بوباده تفصیلاته کیرشمک  
ارزو اولمز ایسه ده دناتک الك قوتلی درجه سنی  
ایما ایدن الفاظ تحقیریه بی بلااعتراض عسناً قبول  
ایدن دعوی وکیلنه تصادف اولندیغی بیانه  
مجبورز . کندواستقامت و علم مهارت لریله اورر پانک الك  
معتبر دعوی وکیللی جمعیتلرینه داخل اولمغه  
شایان و کلامز بولندیغی تکرار و تأکید ایدرز انجیق  
بونلرک عددینک غایت محدود ایلدیغی شوبله

طورسون سلک وکاله قارشمش و احوال نابجای  
مشروحه ایله معروف بولشمش اولان اشخاصه قار  
شو سکوتی اختیار ایلش اولمندن طولای  
مسؤولیت معنویه دن کلیاً وارسته بولندقلمری ادعا  
اولنه بیلور می ؟

حقیقت احوال بومرکزده اولدیغی حالده دولت  
علیه نك اصول تشریع نك اساسی اولان احکام  
شرعیه به مغایر اوله رق انحصار و کالتک بقا  
و محافظه سنده برکونه معنا وفائده قالمشیدر ؟

دعوی وکیلاری یدینه و بریلان شهادتنامه لریک سوء  
استعماله مأذونیت شکل ورنکنی کسب ایتسنه  
مساعده اولنه بیلور می ؟ بوسؤالره و بریله چك  
جوابلر حقیقده مسئله به آشنا نصف ذوات طرفندن  
اختلاف تصور اولنه مز . اساساً بوکره دولنجه  
انخاذا اولنان قرارک موافق حال و مهملحت  
اولدیغی تصدیقندن بشقه چاره یوقدر

ذاتاً قرار مذکور دائره اعتدالده مرتب اولوب  
احوال حاضریه نظراً داعی شکایات اوله مز .  
دعوی وکیلر نك یدنده بولنان شهادتنامه لری حکمندن  
ساقط اولمیوب ارباب مصالحه قارشو حاملر نك  
معلومات قانونیه لر بی مصدق توصیه نامه مقامنده  
اعتبار اولنه جقلمری عدلیه نظارت جلیله سنک  
تقریرنده مصرحدر . شو حالک مقتضیاتندن بریده  
دعوی و کالتک یا لکز اصحاب شهادتنامه جانینندن  
صنعت انخاذا اولنه بیله چکی مرکزنده اولدیغی  
موضوع بحث اوله مز . عکسی صورتی فرض  
یعنی قاعده اثبات اقتدار ایتیانلرک دعوی و کالتنی

صنعت انخاذا ایده بیللری صورتی قبول ایتك بلا  
سرمایه تجارتیه سلوک ایتکه و او قیوب یازمق  
بیللیان بر شخصک کتابه قیام ایتسنه مشابه اوله  
جغی شوبله طورسون دائره عدلیه جه دعوی  
وکیلاری حقیقده ایفاسی الزم اولان حق نظارتی کلیارفع

ایتك اولور  
بز عدلیه نظارت جلیله سنک امل و افکار لر نك  
ترجانی اولمق ادعاسنده دکلیز فقط دعوی و کالتی  
سلکینك تحت انتظام و انضباطده بولشمی محاکم  
نظامیه نك تشکیلات حاضره سی ایجاباتندن اولدیغی  
قابل انکار اولمیان مسلماتدن اید وکنه بنه  
بوکره نشر و اعلان اولنان قرارک تدابیر موقته  
و ضروریه دن اولدیغی و دعوی وکیلاری مسلک لریله  
متناسب حال و حرکتده بولندقلمری بالفعل اثبات  
ایلدکاری تقدیرده اصول انحصارک عودت  
ایده چکی حقیقده بزجه قناعت قطعیه موجود  
اولدیغی اشبو مختصر افاده لریمزه خاتمه عد ایدرز

محکمه تمیز اعضاسندن  
شهباز

صندرغی قضاسی قائم مقامی سلیمان افندی نك قتلی  
کیفیتندن طولای قره سی ولایتی محکمه جنایتنده  
جریان ایدن محاکمه سندن مابعد

خلیل ابراهیمک كرك تصور و كرك تشویق  
حقیقده مجلجه سوبلدیکی ادعا اولنان افاده لر یله  
بونلره وثروت افندی حقیقده که آمر غیر مجسبر

وتشويق كیفته دائر سرد ایدیلان سائر ادعایك  
موافق نفس الامر اولدیغی ظاهره چیتوب  
امور جزائیه ایه قیاس طریق معتبر اولیه رق  
برجرم شرائط قانونیه بی جامع اولدیجه مظنون  
علیه حقننده جزا ترتب ایتیه جکی قواعد کلیه  
واحکام قانونیه دن بولندیغندن ثروت افندیگنك  
برأته قرار ویرلمی وخلیل ابراهیم حقننده دخی  
اجرای عدلت اولنمی طلب و افاده سندن عبارتدر

میرمومی الیه دخی ذات و اساس ماده حقننده کی  
مدافعات واقعه دن اکثر یسنگ جوابی اولکی  
افاده لر یز جامعدر .

دیگر لرینه ده شووجهله جواب ویررم که ثبوت  
مدعیایه دائر اولان اخبارات معتبره تعرضدن  
بری بولنمی حسبیله اسباب ثبوتیه نك او بیوک  
قسمته وکیل افندیلرده معقول بر اعتراضده بولنه .  
مدینر دلائل و امارات سائر یه کلنجه معلومدر که  
هر فعل ممنوعک و هر بر متعلقات و متفرعات واقعه .  
نك شهود شخصیه ایه اثباتی قابل ومع مافییه  
آسایشی تهدید واخلال ایدن افعال ممنوعه فاعلر .  
ینك جزاسز براغلمسی ایسه مصلحت عامه ملا .  
حظه سیه سیاسته جائز اولدیغندن واضع اصول  
و قانون استنطاق اصول وقاعده سنی وضع  
وتأسیس بیورمش و بناء علیه تحقیقاتجه استحصال  
قلنسان دلیللرک اماره لر ی قرینه لرك نظر اعتباره  
النمی لازمکمشدر

ذاتاً برجرمک وقوعیه آثار و دلائلی میدانده

ایکن اولباده محلنجه جریان ایدن تحقیقات و افاداتک  
موافق نفس الامر اولدیغی ظاهره در شوالده  
خلیل ابراهیمک شمیدیکی افاده سی یعنی صندریغیده  
کی استنطاقی بوراده چورتک استه مسی واهی  
و ثم التدارک برشی اولق لازمکله رک حتی اوقدر  
شدتله اجرا ایدلیدیکی در میان اولنسان ضرب  
وتضییقک کندو سنده هیچ برآثری کور یله  
مامسیده انی تأیید ایلکده در

برده اثباتی محاکمه ده دخی عرض اولندیغی اوزره  
برعذر ایچون جائز اولان شی اول عذرک زوالیه  
باطل اولق لازمکدیکی حالد اشبو خلیل  
ابراهیم مأمور مخصوصنک محل وقعه یه و رودنده  
دخی تضییق اولندیغی بیان ایتیه رک منوقلرک  
امر وتشویقنی مکرراً و همده مبنی علی الحکایه  
اوله رق سونلشدر

هر تقدیر تعریف و تضییق وقوعنی خبر و یرن  
برقاچ مخبر وار ایسه ده انلرکده ارباب تهتمدن  
بولنمی حسبیله مأمورین حکومت علیهنده کی  
افاده لر ی معتبر اولدیغی کبی اخبارات غیر  
مطرده لریده تأمین وجدان ایدر درجه ده دکلدن  
قائلک حرکت سابقه سی شمیدیکی فعل وتصویر ینک  
عکسنی ایجاب ایتیه جکی کبی سرخوشلغی دخی  
غیر متحققدر

اتمک ماده سینه نقل کلام ایدیلنجه بوده اصولاً  
ثابت اولمش وشو جمله ایه برابر قائلک ساعتی  
اولدیغی جهته تشویق اولندیغی وقتی تقریبی  
بیان ایتمش بولندیغنه وعشقه لر ی ملا ابراهیمک

ثروت افندیله حقوق و علاقه سی اولدیغنه نظراً  
تعیین مکان حقننده کی اخبارات واقعه دخی بزجه  
شایان اعتبار کور یله مامشدر

صبرینک کلایم ایسه خلیل ابراهیمه مصروف  
ومعطوف ایدوکی یعنی محل صرفی خلیل ابراهیم  
اولدیغی قرینه سی دلائلیله معلومدر قاعده  
عمومیه اقتضاسنجه ده بومثللو بر کلامک اعمالی  
اهمالندن اولادر مفتی و ثروت افندیلرک ذاتاً  
حسن حال اصحابندن بولنمی تسلیم ایدلسه بیله  
طبیایع نوع بشر متمایل خیر و شر اولدیغندن  
بعض کرده ابو آدمردن کوتو شیر ظهور  
ایده بیلور حاصلی وکیل افندیلرک مدافعاتی ادله  
ثبوتیه فارشو حکمسزدر بناء علیه مجرمیت قراری  
طلنی تکرار ایدرم دیدی

مدافعه وکیلی طومه افندی تکرار کلامه ابتدارله  
موکلری لهنده اقامه ایدیلان شاهدلره شهود  
پوصله سنک و برلدیکننده اعتراض وقوع بولدیغندن  
واقعه ایدیلان شاهدلرک اخباراتی هر حالد  
مقبول ومعتبر اولدیغندن بختله افادات سابقه سنی  
تکرار وسعد الدین افندی کذلک افادات  
سابقه سنی تکرارله برابر موکلی لهنده کی مدافعاتی  
معین ومدلل اولوب تقدیرینی محکمه یه حواله  
ایله برأنت قراری طلبنی تذکار ایلدی . متهم لر  
دخی اولکی افاده لرینی تکرار ایدرک طرفینک بشقه  
دیه جکری اولدیغی لدی السؤال اکلاشلغله  
ختم محاکمه تفهیم و نتیجه قرار دخی کانون اولک

یکرمی اوچنجی بازار ایرتسی کونسه تعلیق  
ایدلی طرفینک ادما ومدافعاتی وقرائت اولنسان افاده

مضبوطه اوراقی اوزرینه ایجاب کیفیت لدی  
التذکر بالاده بسط و بیان اولنسان تفصیلاتدن  
کیفیت معلوم اوله جنی جهته تکرار ایضاحاته  
لزوم اولدیغی اوزره صندریغی قائم مقامی سلیمان  
افندیگنك کیفیت قتلندن طولایی مظنون علیه  
اوله رق جنایتله متهم اولان خلیل ابراهیم  
فعل قتلک کندی صنع واختیار یله صدورینی  
عند المحاکمه منکر بولندیغی کبی قتل مذکورده  
قاتل مرقومه آمر غیر مجبرک جرمی اوزرینه  
کذلک جنایتله اتهام اولنمش بولنسان قضاً مذکور  
مقتضی و مجلس اداره اعضا سندن ثروت افندیلر  
دخی فصاحت مذکور ه نك کندی تحریک وتشویق لر یله  
ایلو کلدیکی جهتنی منکر بولنشلدر

حقوق عمومیه اوزرینه مدعی عمومینک طلب  
وافاده سیه مظنون علیهک علیه لر یه و بونلردن  
مومی الیهما محمد سعید و ثروت افندیلرک افادات  
مستدعیاتیه ده کندولر ینک له لرینه استماع اولنق  
اوزره کتور دلش بولنسان معلوم الاسامی کسان  
دخی بعد الخلیف استماع اولنمش اولنملریله بونلرک  
وقوع بولان اخبارات و افاداتی ده بالاده بیان  
اولنسان تفصیلاتدن عبارت بولنمش اولوب نهایت  
معاملات محاکمه ده مدعی عمومی معاونی علی حیدر  
بکک طلب و ادعای واقعه نك خلاصه سی ایسه  
کندوسنک وقوع بولان اقرارندن و محمود و علی

افندیلرله معلوم الاسامی الی نفرک اخبارات  
 واقعه سندن خلیل ابراهیم متعمداً فعل قتله  
 اجتماسی تین و تحقیق ایلدیکی کبی بونک مسلماً  
 و علناً توتون صامغه ایتدار ایتسی و صاته جغی  
 توتونک جزوی المقدار یاپراقدن عبارت بولنسی  
 و وقعه کونی چهره سی بوزوق و غضوبانه برحالده  
 کورلدیکنک خبر و یرلمسی فعل و حرکتک بر سبب و  
 ثصوه مبتنی ایدو کئی میدانه قویقله برابر زمان توقیفنده  
 سبب اولنلرک الله بلاسنی و یرسون دیمسی و مفتی افندی  
 کریمه سنک ضبطیه خلیل ایله اتمک کوندرمسی  
 و ثروت افندیکنک برادری صبرینک دخی اخشامدن  
 صکره و قسز حکومته کلوب علی افندی مخدومی  
 محمد افندی به خلیل ابراهیم ایچون شوونک اغزینی  
 اکلماغه کلام دیمسی و خصوصاً بر مناسبت  
 و ما مورین ایله بر القتی بوغیکن مرقوم خلیل ابراهیمک  
 حکومته کلوب کتمسی مفتی و ثروت افندیلرله مقتول  
 مومی ایله ارسنده عداوت سابقه نک وجودی  
 و نزاع لفظی و قوعی کیفیتلرله قائم مقام مومی الیهک  
 انفصال ایتدیکنک ثروت افندی طرفندن اشاعه  
 اولنسی دلائله و مومی الیهمانک لهرنده استماع  
 ایتدیرمش اولدقلری کسانک اخباراتی ایسه  
 ثبوت مجرمیته دلالت ایدن بوقبیل کیفیات و احوالک  
 وجودی حالنده برآته متعلق بو مثلوه شهادت  
 و اخباراتک اصولاً و قاعدهً ملتفت اوله میه جغنه  
 نظراً اشبو محمد سعید و ثروت افندیلرکده کیفیت  
 قتلتک ایقاعنده مظنون علیه مرقوم خلیل ابراهیمه

مشوق و آمر غیر مجبری اولدقلری اکلشلدیغندن  
 بحثله جله سنک مجرمیته قرار اعطاسی مرکزنده  
 و مدافعه و کیلرندن طومه فطین افندیکنک خلاصه  
 اعتراض و مدافعات واقعه سی ایسه موکلرندن خلیل  
 ابراهیم حرکتی سیاق حال و مصلحتیه کوره بر  
 تصور و تشویق اوزرینه اولیوب در دستنده  
 محضاً تلاش و تدبیر سنک کوستر مش اوددیغندن  
 بوراسی خطا و دقت سنر لکله تفنکک آتش الیرسنه  
 سبب اولمش کورندیکی و امر تشویق و حرکتیه  
 دلیل کوستر بلان احوال دن مرقوم خلیل ابراهیمک  
 مسلماً و علناً توتون صامغی الفت سابقه سندن  
 ایلرو کلش بر کیفیت اولوب بونک وقوعات  
 فوق العاده دن و بر تصوری ایما ایدر احوال دن  
 اوله میه جغی و غضوب کورلدیکی واقع فرض  
 اولنسه بیله بونکده امر قتلی ایقاع تصورینه  
 دلالتی بولنه میه جغی و سبب اولنلرک الله بلاسنی  
 و یرسون سوزنده تخصیص اولیوب احتمال  
 ارا نورسه بوسوزک مرقوم خلیل ابراهیمک  
 در دستنه هجوم و شتاب ایدن ضبطیه ملازمی  
 محمد افندی به عطفی ده محتمل و وجیه بولندیغی  
 و ثروت افندی برادری صبرینک خبر واحد  
 تحتنده بولنان شوونک سوزینی اکلماق ایچون  
 کلام قولنک معطوف علیهی مجهول اولوب  
 معلوم اولسه بیله محضاً بر فکر طبیعی ایله تحری  
 معلوم اتدن ایلرو کلش اوله جغی و وقعه کونی  
 مرقومک حکومتده کورلدیکنک خبر و یرلمسیده  
 میان احتمالاتده تصور قتله حصر اولنق موافق  
 مصلحت بولندیغی و عداوت دینلان کیفیت دخی

خصوصات رسمیه اوزرینه اختلاف آرادن  
 یلنهرک و اسباب عداوتدن دینلان لحم کیفیت  
 دخی اهمیتدن عاری اموردن اوله رق احوال  
 مبروده ایسه قتل نفوس اسبابینی تحری کبی بر  
 کوتولکی قطعاً انتاج ایده میه جکی و قائم مقام  
 مومی الیهک ثروت افندی به اسناد ایدیلان  
 اشاعه انفصالی شخص آخر جانبندن اولدیغی  
 تحقیق ایلدیکی و خلیل ابراهیمک صندر غیده کی  
 افاداتنده مبیانت اولسیله بوقبیل افاداتک تقریق  
 صحت و سقامتی اهم ایدوکی و خصوصاً محلنجیه  
 تضییق و تشویقله سولتدیرلیدیکی درجه تحقیق  
 و ثبوت کلدیکی و خلیل ابراهیمک امر تشویق  
 حقهنده مفتی و ثروت افندیلر علیهلرنده کی اقراری  
 خلاف حقیقت اولدیغی اخبارات واقعه ایله  
 متحقق اولوب بناء علیه اعتباردن بداهه سقوطی  
 لازم کلدیکی جهتله موکلی ثروت افندیکنک  
 برآته قرار و یرلمسی و خلیل ابراهیم حقهنده دخی  
 اجرای معدلت اولنسی زمیننده و سعیدالدین افندی  
 مدافعاتک نتیجه سی دخی مرقوم خلیل  
 ابراهیمک بو بابه مظنون و متهم اولسیله  
 موکلی مفتی افندی حقهنده محلنجیه سولدیکی  
 سوز جرمه دلیل عد اولنه میوب علی الخصوص  
 حد ذاتنده اساس سنر اولدیغی عند المحاکمه  
 افاده سندن و قرائت سائر دن اکلشلدیغی  
 و بونکله برابر بو بابه امر و یرلمش دینلان کیجه ده  
 خلیل ابراهیمک مفتی مومی ایله در سخنانده  
 ایاق بیله باصمامش اولدیغی و افادات مسبقه سی

حبسخانهده کوردیکی تضییقاتدن ایلرو کلدیکی  
 بینات متعدده ایله ثبوت بولدیغی و مفتی افندی  
 کریمه سنک مظنون علیه خلیل ابراهیمه اتمک  
 کورتورمش دیدیکی خصوصی دخی انک اقراباسی  
 طرفندن و یریلان اتمکی ضبطیه احده تسلیم  
 اتمک کبی بر توسطدن عبارت بولندیغی و عداوت  
 دینلان جهت موقع رسمیده مفتی افندیکنک  
 قائم مقام مومی ایله رأینه مخالفتله اکثریت  
 آرایه تبعیتدن عبارت اولوب بوده قطعاً  
 مؤدی عداوت اوله میه جغی و ماده قتله  
 سبب اولنلره طعن و تشنیع سوزنده خلیل ابراهیمی  
 توتون چقاچیلغنه سوق ایدنلر و یا ضبطیه ملازمی  
 حقهنده اوله جغی و الحاصل امر و تحریکه دائر  
 قانوناً و حقیقهً دلیل و اماره بولندیغی بیانیله اودخی  
 مفتی افندیکنک برآته قرار و یرلمسی طرزنده  
 بولمشدر  
 اخبارات واقعه یه و قرائن و دلائل موجوده یه  
 نظراً قائم مقام مومی ایله سلیمان افندیکنک تصور  
 تصحیحیه خلیل ابراهیم طرفندن قتل و اتلاف  
 ایدلیدیکی ثابت اولمش اولدیغی جهتله معاون  
 مومی ایله حیدر بکک مار الاسم مرقوم حقهنده کی  
 طلب و مطالعاتی موافق نفس الامر کورلمش  
 ایسه ده بو بابه مشوق و محرک دینلان محمد سعید  
 و ثروت افندیلرک امر تشویق و تحریکده  
 علیهلرنده اقامه اولنان ادله و امارات کندولرینک  
 بالتجریم محکومیتی ایچون مرتبه غیر کافیده ده  
 اولدقدن و عادات بر طاقم ظنون عادیه دن عبارت

بولندقدن بشقه لهرینه استماع اولتق اوزره  
اصول وقانون دائره سنده احضار لری مدعی  
عمومیلک مقامنه استماع ایش اولملریله جلب  
واستماع اولنان محررالاسامی کسانک اخبارات  
واقعه سیله مرقوم خلیل ابراهیم امر تشویقه  
تعلق ایدن افاده سی خلافنده اثبات حقیقت یعنی  
تعیین مکان ایش اولملریله ولاسیما طبیب رضا  
افندیسک مظنون مرقوم خلیل ابراهیمی دمه  
وقاجبی ایله قارنه وباشنه ضرب ایتدیکی حضور  
محکمه ده بی اقرار یله ده ثابت اولوب بورا سیدیخی  
ثروت ومفتی افندیلر حقلرنده عطف کلام  
ایتدیلر لیکنک مرتبه ثبوته کلش اولسی جهتلی  
کندولر بی مظنونیت ومسؤولیتدن بری قیله رق  
شو حاله نظراً معاون مومی ایله حیدر بکک  
مفتی وثروت افندیلری تجریم جهتنده اولان طلب  
وادا ساندن اصابت کور یله مامش اولدیغندن  
وکیل طومه افندیسک خلیل ابراهیم لهنده کی  
مدافعاتی ایسه احوال موجوده بی فعلیله دفعه  
غیر کافی کور یلوب متهم مرقوم خلیل ابراهیم  
حقیقه اشبو فعل قتلک متعمداً فاعل ومر تکبی  
اولدیغی رتبه بداهته واردیغندن اولوجهله  
مجرمیتنه اتفاقاً ودیکر لری حقلرنده کی وکیللری  
مومی الیهما سعدالدین وطومه افندیلرک مدافعاتی  
بولنده بولمغله مار الذکر محمد سعید وثروت  
افندیلرک دخی دیکر سببله موقوف اولدقلری حاله  
همان تخلیه اولتق اوزره کندولر یسک بوباده

برأثرینه اکثریت آرار ایله وضبطیه لازمی  
محمد وبلده طبیبی رضا افندیلرله ضبطیه کاندن  
نوبتجی ابراهیم اونباشینک مجرم خلیل ابراهیمی  
ضرب وازیت ایلدکلی عند المحاکمه جریان  
تحقیقاتله مرتبه ثبوته کلش ایسه ده حقلرنده کونه  
دعوی وقوعبولماش اولوب محکمه لرایسه بطرف  
بولندیغندن ایشک بو جهتی جرایم مایه دن  
عد اولنده رق دعوی اقامه سی حالنده بونکده  
بشقه جه ایجاب قانونیسک اجراسنه باقمق  
لازم کله چکنه کذلک اتفاقاً قرار ویرلدی  
هیئت محکمه ومدعی عموی ودعوی وکیللری  
وطرفین ومدعی شخصی حاصلی جمله سی سابق وجهله  
تشکل ایدرک اجرا اولنان مذاکره اوزرینه لاحق  
اولان مجرمیت قراری مواجهه ساهمینه ضبط  
کاتبی طرفندن قرآتله مندرجات قرار طرف  
ریاستدن تکرار وتفهم اولندقدنصکره بونک  
اوزرینه معاون بک مجرمیتنه قرار ویریلان خلیل  
ابراهیم حرکتنه موافق بولنان قانون جزانک  
یوز یتمشجی ماده سی حکمنه توفیقاً تحدید جزاسنی  
ادعا وطومه افندی دخی خلیل ابراهیم حرکتی خطادر  
جه سنده بولندیغندن فعل وحركتنک اولباده کی  
ماده قانونیه یه تطبیق وتوفیقی طلب ایلدوب  
طرفینک ماعدا دیه جکلی اولدیغی اکلشغله  
مذاکره جهت جزاییه به نقل ایدلدی  
تکرار ایجاب کیفیت لدی المذاکره اجرا اولنان  
محاکمه علنیه وتدقیقاتنده قائم مقام سلیمان افندیسک

متعمداً قاتلی اولدیغی تحقیق ایدن مجرم خلیل  
ابراهیمک تحدید مجازاتی حقلنده مدعی عموی  
معاونی حیدر بکک واقع اولان طلبی موافق  
قانون کورلمش وجزا قانوننامه همایونک یوز  
یتمشجی ماده سنده دخی برکیسه نک متعمداً  
قاتل اولدیغی قانوناً تحقیق ایدر ایسه قانوناً اعدام  
اولنور دیو محرر بولنش اولمغله اشبو ماده حکمنه  
توفیقاً مرقوم خلیل ابراهیمک قانوناً تحقیق ایش  
اولان حرکتندن طولایی جزای اعدام ایله اجرای  
مجازاته و اوچیوزاللی غروش خرج اعلام ایله ییدیوز  
قرق غروش ضبط واستنطاق خرچلرینک دخی  
ترک سندن التمسنه ووکیلی طومه افندیسک تطبیق  
قانون حقلنده وقوعبولان مدافعاتی ایسه مجرمیت  
قرارنده بیان اولندیغی اوزره موافق قانون  
کور یله مامش اولمغله ردینه ومتوفای مومی الیهک  
ورته سندن صلب کب بر اوغلی رحی بکک  
اقدبجه حضور محکمه ده قصاص ادا ساندن  
بولندیغی مضبوط اولوب انجق متوفانک دیکر  
ورته لری حقلرنده اولجه دعوتیه کوندرلمش ایسه ده  
تعیین اولنان کونده محکمه یه کله مدکلی جهته بر قاعده  
بو مثلوقصاص دعوالرینک مرجع رؤیتی  
بولنان محکمه شرعیه جه اجراسی اقتضا  
ایده چکنه بیک اوچیوزاوج سنه سی ربیع الاولنک  
یکرمی طقه ونجی ویک اوچیوز برسندنه سی  
کانون اولنک یکرمی اوچنجی بازار ایرتسی کونی  
اتفاق آرا ایله قرار ویریلرک تبلیغ ومتن قانون  
قرات اولنهرق بر دیه جکی وار ایسه سکر

کون ظرفنده بر لایحه وبره بیله جکی محکوم علیه  
خلیل ابراهیم تفهیمه محپسه ادا ده سی اخطار  
واصول محاکمه جه معین اولان معاملات اکال  
ایدلدی

فی ۲۰ اغستوس سنه ۱۳۰۲


# اعلان

ایران دولتی تبعه سندن صراف قره قاشیان میساق  
اغانک مقدا مالیه خزینه جلیله سی قارشوسنده  
کاغدجیلر ایچنده سکسان درت نومرولی دکانه  
ساکن ایکن شمیدیکی محل اقامتی مجهول اولدیغی  
خبر ویریلان صراف کور په اوغلی یوان نام  
کسنه علیهنه اقامه ایلدیکی یوز قرق برلیرا کسور  
قرق غروش مطلوبات دعواسنک شهر تشرین  
اولک یکرمی سکرنجی کونته مصادف صالی کونی  
ساعت سکزده محکمه تجارت برنجی مجلسنده  
فصل ورؤیتی مقرر اولدیغندن یوم ووقت  
مذکورده مدعی علیه مرقومک محکمه مذکورده  
بالذات حاضر بولنسی ویا خود باسند مصدق بر  
وکیل تعیین ایتسی لازم کله جکی وعکسی حالنده  
عن الغیاب استماع دعوی اولنهرق خصوص

مدعاك تحت حكمه الله جنى معلوم اولقى اوزره  
اصول محاكمة تجارت نظامنامه سنك يكرمىجى مادسنگ  
فقرة رابعه سى حكمته توفيقاً تنظيم اولنان احضار  
پوصله سى محكمه نك ديوانخانه سنه تعليق اولنديجى  
مثلو غزته لاله دخى اعلان كيفيته ابدار قلندى  
فى ۷ محرم الحرام سنه ۳۰۳ و فى ۲۴ ايلول سنه ۳۰۲

مراجعت ايتلىرى اعلان اولنور


فى ۲۰ ايلول سنه ۳۰۲



قوهار و مندوف و ويركنه قادي نرك درسعات  
بدایت محكمه سى ايكنجى حقوق دائر سندن  
ويريلان و حكيمى تميراً تصديق ايديلان اعلام  
موجبجه عسکر بحريه ملازملرندن ابراهيم ادهم  
افندى به مشترکاً دينلى اولان مبالغك تأمين  
استيفاسيچون مرهون اولان قومقپوده قزغان  
سعدى محله سنده بطريقخانه زقاغنده يكرمى التى  
نومرو ايله مرقم شايغاً متصرفه اولدقلى تخميناً  
وتريغاً طقسان درت ارشون اوتوز يدى ساتيم  
ويوز التمش درت ارشون يكرمى برپرمق عتيق  
عرصه اوزرينه مبنى اوج قاتدن عبارت فوقانى  
وتحتانى التى اوطه و مشتملات ساثره ايله يكرمى  
اوج ارشون جديد و اوتوز يدى ارشون عتيق  
وسعتى شامل بغيره دن عبارت بولنان بر باب خانه  
تمامى بوندن اقدام بالمزايدة يوز يكرمى عدد عثمانلى  
ليراسى بدل ايله طالبى عهده سنده تقرر ايتشيدى  
مذكور خانه به بعض اوطه لر علاوه سويله شمديكى  
حاله طقوز اوطدندن عبارت بولنديجى عندالمعاينه  
تحقق ايتش و اخيراً اجرا اولنان مزايدة ده ايكي

بوز ليرا بدل ايله طالبى عهده سنده تقرر ايتش  
اولديغندن يوزده بش ضميمه طالب اولان نرك ودها  
زياده معلومات المق ايستيانلر اوتوز بر كونه قدر  
درسعات مركز اجرا دائره سنه مراجعت  
ايتلىرى اعلان اولنور فى ۲۳ ايلول سنه ۳۰۲

يك بشيوز غرو شده طالبى عهده سنده تقرر  
ايتش اولغله بوندن زياده به يعنى يوزده بش ضميمه  
طالب اولان نرك درسعات مركز اجرا دائره سنه  
مراجعت ايتلىرى اعلان اولنور  
فى ۱۴ ايلول سنه ۳۰۲



ترزى ديمتري نك درسعات بدایت محكمه سى برنجى  
حقوق دائره سندن ويريلان اعلام موجبجه  
ار كرده ساكن ترزى ويطو ذمتنده الاجغى اولان  
مبالغ معلومه نك تأمين استيفاسيچون مديون  
مرقومك بك اوغلى ييكيشهرنده بيله جك دره سنده  
واقع ايتش طقوز نومرولو بر باب قصاب دكانيله  
اوزرنده كائن بر نومرولو ايكي اوطه و برصوفه  
نك نصف حصه لرى مزايدة به چيقارلمش ايسه ده  
مديون مرقوم مذکور اوطه لر مسكن شرعيسى  
اولديجى ادا ايتسنه مبنى تحقيقات مكمله اجرا  
سيچون مزاى معامله سى تأخير ايدلشيدى اجرا  
اولنان تحقيقات نتيجه سنده مذکور اوطه لر مسكن  
شرعيسى اولديجى اكلاشلش اولديغندن ذكر  
اولنان دكان ايله اوطه لرك نصف حصه شايغسى  
بوندن اول مزايدة به قونلشيدى اولنان مزايدة  
نتيجه سنده ليرا يوز غرو شدن اولقى اوزره درت

محمد ضيا افندي نك درسعات بدایت محكمه سى  
ايكنجى حقوق دائره سندن ويريلان اعلام  
موجبجه عبدى اغايه دينى اولان مبالغك تأمين  
استيفاسيچون افندى موى اليهك عهده تصرفنده  
اولوب داي ن طرفندن تحت حجزه الديريلان  
نور عثمانيه ده ملاقنارى محله سنده نور عثمانيه جاده  
سنده كائن تخميناً وتريغاً اوتوز ارشون  
سكز پارمق جديد والى ارشون طقوز بچق پامق  
عتيق عرصه اوزرينه مبنى والى التى ارشون  
اون طقوز پارمق جديد و طقسان يدى ذراع سكز  
پارمق عتيق وسعتى شامل برقطعه باغچه يى  
حاوى مقدما التمش ايكي اليوم التمش درت  
نومرولى بر باب قهوه خانه نك ربع حصه  
شايغسى عند المزايدة قرق التى بچق عثمانلى  
ليراسى بدل ايله طالبى عهده سنده تقرر ايتش  
ايسه ده مديون طرفندن تمير دعوى اولتمسى  
اوزرينه تأخير مصلحت اولنمشيدى محكمه

( جریدهء محاکم فہرستی )

غروش

۱۲ جریدهء مزك انومرو سندن ۲۴۰ نومرو سندن قدر

۰۸ ۲۴۱ نومرو دن ۲۸۹ نومرو سندن قدر

۱۰ ۲۹۰ نومرو دن ۳۳۹ نومرو سندن قدر

جریدهء محاکم برنومرو دن ایکیوز سکسان طقوز نومرویه قدر التی سنه لک نسخہ لری نیک فہرستی طبع ونشر اولنوب بدنجی سنه نسخہ لری نیک فہرستی دخی در دست طبع بولندیغی اعلان اولنشییدی بوکره سنه مرقومه ایچنده چیقان ایکیوز طقسان نومرو دن اوچیوز اوترز طقوز نومرویه قدر اولان نسخہ لری نیک فہرستی دخی دستکاه موقع انتشاره وضع اولنوب بالاده محرر فیات موضوعی اوزره فروخت اولنقدہ بولنمش اولدیغندن ومأمورین عدلیه نیک بو ائردن ایدنملری ازم ومطالعہ سی فوائد کثیرہ یی مستلزم اوله جغی بدیہی بولندیغندن اعلان کیفیتہ ابتدار اولنور

تمیز دن بوکره صدور ای دن اعلام موجنبجه حکم اول تصدیق اولنمش و بناء علیہ مدت مزایده اوتوز برکون دهاتمدید ایلمش اولدیغندن یوزده بش ضمیمه طالب اولانلرک اوتوز برکون ظرفنده در سعادت مرکز اجرا دائره سنه ومذکور قهوه خانہ نیک خریطه سنی کورمک استیانلرک دخی دائره مذکورہ منادیسی بکراغایه مراجعت ایتملی اعلان اولنور فی ۳۰ ایلول سنه ۳۰۲

~~~~~

فاطمه شقیقه خانمک سعادتلو محمد نشئت افندی ذمتنده بااعلام شرعی الاجغی اولان مبالغ معلومه نیک تأمین استیفاسی ضمننده مدیون مشار الیهک عهده سننده اولوب محجوز بولنان روم ایلی حصارنده علی پرتک محله سننده حصار جاده سننده واقع الی یدی نومرو ایله مرقم بر باب قصاب دکاننک نصف حصه شایعه سی اشبو تاریخ اعلانن اعتباراً اون بش کون صکره مزایده یه قونیه جغندن طالب اولنلرک و پی سورمک استیانلرک مدت مذکورہ ختامنده در سعادت اعلامات شرعیہ اجرا دائره سنه مراجعت ایتملی اعلان اولنور فی ۲۲ ایلول سنه ۳۰۲